

天津圖書館藏

紀曉嵐
刪定

《四庫全書總目》稿本

國家圖書館出版社

6



天津圖書館藏

紀曉嵐
刪定

《四庫全書總目》稿本

國家圖書館出版社

6



欽定四庫全書總目卷一百三十六

子部四十六

類書類二

純正蒙求三卷

浙江鮑士恭家藏本

元胡炳文撰炳文有周易本義通釋已著錄蒙求自李瀚以下仿其體者數家大抵雜採經傳事實隸以韻語以便童子久記誦然多以對偶求工不盡有關於法戒炳文是書則集古嘉言善行各以四字屬對成文而自注其出處於下所載皆有裨

幼學之事以視鉅釘割裂僅供口耳者於啟尊較
為切近上卷敘立教明倫之事中卷敘立身行己
之事下卷敘待人接物之事畧以白鹿洞規為準
每卷一百二十句總為三百六十句卷中又各有
子目每一目多者一二十句少者不過四句中間
以拘於駢儷格於聲韻故漏落甚多又如黃香暖
席宜入父子之倫而反入幼學見趣條下陳子高
讓田宜入長幼之倫而反入處宗族條下其分隸
亦未能悉允然養蒙之教取其顯明易曉不貴以

淹博相高此書循諷吟哦以資感發與朱子小學
外篇足相表裏固未可以淺近廢也

排韻增廣事類氏族大全二十卷

浙江巡撫
採進本

不著撰人名氏書中所引事蹟迄於南宋季年蓋
元人所編次相其板式亦建陽麻沙所刊乃當時
書肆本也其例以十干分集每一集為二卷依廣
韻次第以四聲分隸各姓末一卷為覆姓則以上
一字為韻而排次之每姓俱引史傳人物摘敘大
略而採其中三四字為標題大抵在擷取新韻以

供綴文之用姓末多別附女德婚姻一門歷敘古
來淑媛及兩姓結婚故事蓋宋元之間婚禮必有
四六書啟故載之獨詳亦以便於剽掇也葉盛水
東日記曰近代雜書著述考據多不精如翰墨全
書以彭思永為明道母舅所謂氏族大全者尤甚
如以趙明誠為趙抃之子廣州十賢有李朝隱一
作李尚隱因而訛為李高隱今考中間所列朝代
先後多顛倒失次如王尊妾雷氏干預政事陳之
張貴妃龔孔二嬪怙寵亡國而並入之女德則深

為不倫又如韋思廉劉奉林諸人既別立仙之一目而張果姜誠諸人亦以仙術顯名乃仍混入人物之中無所區別體例亦殊疎舛至每姓之末間附韻藻數語如洪韻龐洪涵洪翁韻仙翁塞翁之類既與氏族不相關涉且掛漏無取徒滋蛇足特拈擴尚為廣博有其人為史傳志乘所不詳而獨見於此者頗足以資旁證至於三氏有臨沂太原二派勾氏避宋高宗諱分作數姓蘭亭會詩名氏諸本之不同亦間附考訂寸有所長固未嘗無裨

於藝苑也

名疑四卷

河南巡撫採進本

明陳士元撰士元有易象鈎解已著錄是書上自三皇下迄元代博採史傳及百家雜說凡古人姓名異字及更名更字與同姓名者皆彙萃之其中如以司馬遷諱談為同遂謂談同一音以童烏為揚雄小字以揚雄本題姓揚字記為揚字之類間有訛誤又神仙鬼怪之名如吳剛姮娥豐隆屏翳神荼鬱壘等皆詳載之體例亦頗冗雜然其採摭繁

富頴廣見聞如洞神部載三皇姓名列仙傳稱介
子推姓王名光之類皆指駁其謬又據史記伍幸
傳辨朱建傳誤閔孺為閔籍孺據頴延之誅辨陶
徵士名淵明字元亮亦皆有所根據存以備考固
亦有資參證焉

荆川釋編一百二十卷

內府藏本

明唐順之編順之有廣有戰功錄已著錄是編義
例畧仿章如愚山堂考索薈萃羣言區分類聚其
大旨欲使萬事萬物畢貫通於一書故鉅細兼陳

門目浩博始之以六經終之以六官六經所不能
盡則條次以九流諸家之學術凡為類二十有七
六官所不能盡則賅括以歷代之史傳凡為類二
十有五其門人左丞先為之考校付梓丞沒而書
多殘缺第一相復加釐正刊行所引書名人名原
本錯互不合者一相亦為訂正然卷帙既繁檢校
難徧抵牾舛駁尚往往而有如程大昌詩議在所
撰考古編中而乃以為出自新安文獻志正諫本
說苑篇名而標之為論林泉高致集所載荆浩山

水賦李成山水訣乃其所自作而槩以為出郭
思之手教陶孫字器之而訛作孫器之陶九成輟
耕錄天閣之說與鑑戒無闕而濫引入宦者門中
褚淵王儉雖身事二姓然不可謂之佞臣乃列其
傳論於倖門此類不知為原本之訛為茅一相之
竄亂玉瑕珠類頗累全書特以其網羅本富涉獵
攸資當語錄盛行之時尚不失為徵實之學錄備
多識之一助固亦無不可焉

萬姓統譜一百二十六卷

直隸總督
採進本

明凌迪知撰迪知有左國腴詞已著錄是書以古
今姓氏分韻編次略仿林寶元和姓纂以歷代名
人履貫事蹟按次時代分隸各姓下又仿章定名
賢氏族言行類彙名為姓譜實則合譜牒傳記而
共成一類事之書也古者族系掌於官故周禮小
史定世系辨昭穆南史王僧虔傳稱司馬遷仿周
譜以作年表其體皆旁行斜上是其制也戰國策
稱智果別族於太史為輔氏是周末法猶未改秦
漢以下始私相記錄自世本以下纂述不一其存

於今者惟林寶鄧名世鄭樵三家餘皆散佚然散
見他書者尚可考見不過明世系辨流品而已迨
乎南宋啟劄盛行駢偶之文務切姓氏於是錦繡
萬花谷合璧事類各有類姓一門元人排韻氏族
大全而下作者彌衆其合諸家之書勒為一帙者
則迪知此編稱賅備焉其中龐雜抵牾均所不免
至於遼金元三史姓氏音譯失真舛訛尤甚然蒐
羅既廣足備考訂故世俗頗行用之亦未可盡廢
也書前別有氏族博考十四卷大旨皆本之氏族

畧無大發明以其與原本相附而行今亦姑並錄之焉

翰林一百二十卷

兩江總督採進本

明徐元太撰元太字汝賢宣城人嘉靖乙丑進士官至刑部尚書是書採摭古人設譬之詞彙為一編分十門每門又各分子目凡五百八十餘類歷二十餘年而後成用心頗為勤至其引書用程大昌演繁露之例皆於條下注明出處併篇目卷第一一臚載亦迥異明人剽竊摭撮久之習其序稱

閱書四百餘種而檢其所列書名實不逾半殆約
舉其數未及詳歟核歟其中隨手摭拾亦往往不得
本始如兒說宋人善辯者一條本出韓非子周人
有仕不遇者一條本出王充論衡皆引藝文類聚
懷金玉者至不生歸一條本出後漢書耿弇傳而
引文選李善注頭句可期汗青無日一條本出劉
知幾史通而引事文類聚天寒即飛鳥走獸尚知
相依一條本出沈約所作阮籍詠懷詩注而亦以
為李善此類頗多又如以杜預何休范甯為漢人

以陳壽為魏人以李善為隋人皆時代舛迕申培
詩說天祿閣外史武侯心書之類皆明代偽書不
能辨別廣成子本蘇軾從莊子摘出偶題此名乃
別為一書無能子云不知何代人皆未免失於疎
畧然自六經以來即多以況譬達意而自古未有
彙為一書者元太是編實為初例其蒐羅繁富零
璣斷壁均足為掇文者沾丐之資是亦不可無一
之書矣

經濟類編一百卷

山東巡撫
採進本

明馮琦編琦字琢菴臨朐人萬曆丁丑進士官至
禮部尚書諡文敏事蹟具明史本傳是編為琦手
錄之稿粗分門類琦沒之後其弟瑗與其門人周
家棟吳光儀稍為排纂且刪其重複定為帝王政
治儲宮宮掖臣諫諍銓衡財賦禮儀樂文學武功
邊塞刑罰工虞天地人倫人品人事道術物雜言
二十三類大致與冊府元龜互相出入但冊府元
龜惟隸事迹此則兼錄文章冊府元龜惟以史傳
為據此則諸子百家靡不摺拾體例少異耳其中